

## LA TERRORÍFICA NIT D'ALMETAS

Desde fa mols mols sicllos se celebra per las terras d'Aragón la fiesta de la Nit d'Almetas, que viene d'un festival pagano selta que se diu *Samhain*.

Una almeta ye un alma en pena que, vestida de blanco y portàn una llumeta a la man, va dondiàn per las carreras dels llugars sorollàn y espantàn a tots els que i caminan espiguardats, espesialmén a la mainada.

Las almetas pueden penre forma d'espectros fantasmals o tornar-se llums difusas que s'amagan a las falsas, a dentro de las armaris, u tamé al canto de las chumineras. Cuan s'amagan dichós dels llits, espían a qui repunta la cabeza ensima de la cuixinera, ta poder ficar-se-ie dan ell, entre els llinsols, y robar-le els sueños.

Ista Nit del 31 d'octubre, tamé se diu la Nit dels Muerts, porque, a la vegada, la boga que desparteixe el mon del vivos y el mon dels difuntos se desfà y se mos permite comunicar-nos dan ells y achudar-los a trobar el descanso eterno. Per asó, molta chen les dixa un pllat d'allubias a la cosina ta que las almetas en aparten tantas coma misas hegan d'amenister ta marchar d'iste mon y trobar la pas.

Coma siempre pasa, trobam alrededor molta chen dan prou alma ta baixar desfresada de cualquier diaplle, momia u monstruo, a esfuriar-las per las carreras, portàn carbasas vuedas dan caras terroríficas y velas ensenedas dentro que, finalmén, posan a las ventanas de las casas ta que mai no i puecan entrar mentre duermen.

**¡PARAT CUENTA, MOSETAS Y MOSETS! ¿TENITS YA  
PREPARADA LA VUESTRA CARBASA?**